

باچر .. عَنَّا الأبُو مسافر  
داير .. عَيْنَه اعلَى كُل حاصر  
راحل بأمان الله  
ويوصي اعلَى دين الله  
\*\*\*

عِد أمير المؤمنين .. أَهْلَه كُلُّهُمْ حاضرين  
يسمعونه وينظرونه وكل قلب مفطور  
يا عَظُمَ هذا المُصاب .. يصعب اعلينا الغياب  
كلشي لجلك يا علي من هالجرى مَذعور

نستَمع مِنِّه الوَصايا ونِهمل العَبَره  
وَحَقْنَا لو يذهلنا حاله وموضع الطَّبَره

\*\*\*

وصَى اعلَى دين الله القويم .. هذا الصراط المُستقيم .. وأكّد على الخُلُق العظيم  
والتقوى والعبادة  
واعلى اليتامى والصلاة .. ونَبَذَ التَّفَرّقَ والشَّتات .. واعلى مُعادات الطُّغاة .. بالحِكمة  
والإرادة

وَصَّى اَعلى لِصِغار .. وَتَوَقَّير لِكِبار  
وهذى الوصايه لجل البريه  
رغم الجرى وصار .. وفعلَه الغدار  
وصَّاهم اعليه حتى المنية

شاكر .. رغم الجرى وصابر  
داير .. عينه اعلى كل حاضر  
راحل بأمان الله  
ويوصي اعلى دين الله

\*\*\*

هذا خَيْر الكائنات .. وبعده ما تسوى الحياة  
هذا رحمة امن العلي وعمّت على الأكوان  
هذا هو نفس الرسول .. حيدرة، زوج البتول  
هالمسا كل واليه اعلى المرتضى حزنان

علّة الخلق، العظيم وآيته الكبرى  
ما يقوم امن المرض لأن جرحه ما يبرا

\*\*\*

رغم الفَجِيعَة والألم .. ورغم الجبين الي انثلم .. لا ما تَغَيَّر أو ظَلَم .. وتَشْهَد إله  
أفعاله

يوصي على آلي غافلَه .. ومن خَلَفَه حَاوِل يَقْتِلَه .. في مَشْرَبَه وفي مأكَلَه .. حَيَّرنا  
هـ ابْخِصاله

حامي الجِما اليوم .. ما يقدر ايقوم  
تبجي اعلى حاله كِل البريَّة  
والأدهى مَكْتوم .. لَن صابته اسموم  
!ما تَكْفِي ضَرْبه من هالدَعِيَّة

يَأْمُر .. بالحُسْنَى للآخر  
داير .. عَيْنَه اعلى كِل حاضر  
راحل بأمان الله  
ويوصي اعلى دين الله

\*\*\*

! يا طَبِيب اشْهالْخَبَر .. يعني مَيِّت لا مَفَر  
فألك ولا قاله الله ويا عَسَى مَ ايكون  
يقوم إلينا وينشرح .. كِل قلب بينا ويصح  
ويبتعد عَنْه البَلا ونِمْسَح دَمْع لعيون

يا عَساه ايرد إلينا ابطييه وأفضاله  
.. يا طبيب الي تقولُها الله لا قاله

\*\*\*

يا ريته ينهض بالسعد .. والعافية اترد للجسد .. ولا ينفجع مِنّا أحد .. مِن فَقَدَه  
ورحيله  
اعليه السلامه امن الجرى .. ومن ضربة الي طبره .. يرجع لداره ومنبره .. وكل  
الخلق تحيله

ينهض للعيال .. ويطمّن البال  
ويضمنا يا ريت ويمسح على صدرنا  
يالمالك الروح .. تتركنا واتروح  
واتخلي البيت موحش يا كل ذخرننا

جابر .. كل مُهَجَّة وخاطر  
داير .. عينه اعلى كل حاضر  
راحل بأمان الله  
ويوصي اعلى دين الله

\*\*\*

عزي بولاية علي .. امن الصغر خادم علي  
امن الصغر ربتني أُمي بحب علي الكرار  
أعظم الأمه علي .. أعلم الأمه علي  
لا فتي إلا علي " مولانه حامي الجار "

من صغر سني نبت عودي على امحبه  
ولو خلص عمري ، عفت عمري ولا عفته

\*\*\*

ناصر رسول الله علي .. حافظ كتاب الله علي .. هذا ولي الله علي  
من اسمه إيماني  
كل إنسي يشهد أو ملك .. بِمُحِبَّتِهِ يدور الفلك .. " لولا علي لَهَكَ .. من قبلُ قال  
الثاني "

أنفاسه قرآن .. وبعيونه إيمان  
وابايدته تحنان واسمه الهدايه  
" وابغلي أهواه .. " شُكراً إلى الله  
اعلى أبو حسين واعلى الولايه

مُسافر لله العلي مسافر

يوصي اعلی دين الله

راحل بامان الله